



鈴山堂集



鈴山堂文集序



嘉靖三十年三月朔日元相大學士介谿
嚴公以其鈴山堂文集三十二卷寓甘泉
子於天關授以首簡叙之於時水也以病
廢文字十餘年矣焚香對書再拜再拜復
再再拜上以答公禮數之殊也亦以賀公
言之
進之
之
曰推公此念人將輕千萬里
矣况受知如水者乎展而
百律絕句七百八十頌序

碑

二十右

矣哉文正

不戾乎訓誥詔令矣於是心悅而神悸焉

恍然如入陶朱之室開寶藏之庫萬珎爍

灼光彩奪目令人應接不暇又愜然若自

失也乃作而颺言曰蓋嘗大觀天地間文

而已矣文即道之著也語大天下莫能載

焉語小天下莫能破焉故或識其大或識

其小大小一文也一道也道生天地文在

天地天地生聖人文在聖人是故經乎天

而文緯乎地而文觀乎人而文三才之道

文而已耳天之覆幬也地之持載也日月

之代明也星辰之朗耀也雲漢之為章也

風雨之潤賁也雷霆之轟烈山峙之巍巍

也川流之粼粼也昆虫之嚶嚶也草木之

天喬也堯之光被四表也舜之重華煥乎

其文章也禹湯之文命之聖謨之嘉言之

內制講章二十有七雜著

二十有三曰富矣哉集乎嫺

詩不戾乎風雅漢唐矣有言

不戾乎訓誥詔令矣於是心悅而神悸焉

恍然如入陶朱之室開寶藏之庫萬珎爍

灼光彩奪目令人應接不暇又愜然若自

失也乃作而颺言曰蓋嘗大觀天地間文

而已矣文即道之著也語大天下莫能載

焉語小天下莫能破焉故或識其大或識

其小大小一文也一道也道生天地文在

天地天地生聖人文在聖人是故經乎天

而文緯乎地而文觀乎人而文三才之道

文而已耳天之覆幬也地之持載也日月

之代明也星辰之朗耀也雲漢之為章也

風雨之潤賁也雷霆之轟烈山峙之巍巍

也川流之粼粼也昆虫之嚶嚶也草木之

天喬也堯之光被四表也舜之重華煥乎

其文章也禹湯之文命之聖謨之嘉言之

洋洋孔彰也文武之不顯丕承也皆文也
然天地萬物所以覆載所以代明所以决
烈所以章所以流峙所以鼓耀天喬聖人
所以光被所以重華所以文命洋洋孔彰
所以顯承其必有所以爲之者矣詩曰維
天之命於穆不已盖曰天之所以爲天也
於乎不顯文王之德之純盖曰文王之所
以爲文也孔子曰文王旣沒文不在茲乎
是故天地聖人文焉盡之矣知天之所以

爲天文王之所以爲文則知鈴山之文所
以爲文矣或曰請問其所以曰神而已矣
夫神者道之妙也文之本也子不聞鈴山
之降神乎吾於留都已形于詠歌矣介翁
生而神氣以靈䟽朗開豁童言宿生之事
矢口成章之能應機萬變之妙辛甘調劑
之宜履歷于艱難允媚于

八子良工心苦人莫與知然則非公之神之
精之爲之乎曰請問根本之說曰子謂叅

天之木果假外而爲之者哉所由本根也
得天之氣受地之質氣質合一生生不測
莫知其然之謂神故能由根而榦而枝而
葉而華實以叅天夫華實也者文之類也
根本也者所以爲華實之神之類也知木
之所以爲華實則知鈴山之文所以爲文
矣永也年將九十矣亦伏生言語支離之
時豈復有文乎哉據案隨筆書之重以報
公之禮意之隆也亦將以來天下之善言

從水也始鞏太平之基於無窮而太平一
老亦得以安卧於無窮無虞之天也是故
力疾爲鈴山堂文集叙

嘉靖三十年歲在辛亥夏四月二十一日
賜進士出身資政大夫前南京兵部尚書奉
勅叅贊機務國子祭酒翰林侍讀同修
國史 經筵講官林下年末八十六甘泉生
湛若水頓首謹書

鈴山堂集序

鈴山堂集集少傅介谿嚴公所著爲文者也公嘗曰先民有言志士惜時吾少固多疾憂然六籍之文不敢後也揆政應物往往發而爲文故作書且滿笥要未能極吾所欲言若夫殫忠事國之義亦畧盡於此覽者其或有諒吾之志也已治嘗侍於公聞而嘆曰夫文者人之英華也山川之靈實權輿之矣宜春郡之東鈴山在焉其奇

秀蟠合異靈鳩毓固東南瓌雄選區也在
昔楊文貞公實生于郡之鳳臺而少傅公
今復崛起乎其間俱以弱齡神悟揚休禁
林終陟元輔而文名著盛一代相炳映也
其大都同若此豈非山川之靈全畀而駿
發之與何騰凌竄絕橫亘而莫之京哉治
嘗讀少傅公之文觀其權古苞道劑事摛
藻無不合作者及輔

今上入而護保

聖躬出圖議庶政日不暇矣顧其文益工鋪
陳帝業經制人文祇應

明命陳說化理咸中典則雖震衝盤結事匪
故常罔不取裁衷臆油然有餘力也其聲
鬱律而不怵其出泔淡而有餘若斯者由
神情之定乎太史公曰不先定其神而曰
我有以治天下何由哉神定矣其聲出鬱
律而端泔淡而不窮不期然者耶故以予
觀于公之文則其神可知矣夫神者所以

金山堂集 卷一
強立萬事也今天下事若有紛綸歲蕤跋
盞瘡痍渙漫不起者非夫明作振理安所
不蹶耶公之在相位也因變循形煦育嘘
蒸埏于無端攻于無名而協中以為極至
若鎮定撼擊解紆紛錯調劑燥濕茹納闇
黷其獨運之智蓋有人不及知而公亦不
自以為言卒之狂譟者息紛亂者止而翕
然大同

今上厲精之化加乎百王者非公所神明之
其何能臻茲哉是故文章德業二者其神
相用也伊訓說命金縢立政諸篇猶之乎
文耳而翊戴商周之業格于皇天者亦不
出此夫公之蓋勞休功施之

宗社被之天下流聲乎無窮固有不俟于文
者然而茲集也其大足以定國是賁王猷
聲歌所發亦足杼軸天人經緯風雅百代
之下考德業者徵焉將不流今而傳後哉
嘗觀古之相天下以文著見者寡矣其以

金山堂集 卷一
三名
文名者類皆困窮拂鬱濩落而無所庸焉
豈文章德業不能相有耶抑所際合者之
難耶公於

今上君臣之間志道孚合謀猷符契得失不
能疑其心讒構不能離其交夫然後能兼
美二者而大焉是豈徒人事哉將必有爲
之權輿者矣詩曰維岳降神生甫及申山
川之謂也集以鈴山名觀者能不有感于
斯乎集凡三十有二卷賦頌若干篇五七
言古體詩若干篇五七言律絕句若干篇
序記碑志若干篇內制及講章若干篇南
宮奏議三十卷歷官表奏十卷亦類附焉
刻在乙巳之歲

嘉靖乙巳三月之望

嘉議大夫吏部左侍郎兼翰林院學士

會典副總裁兼修

玉牒茶陵張治拜撰

王獻之刻石

會典圖說

嘉慶大夫文治

嘉慶大夫文治

嘉慶大夫文治

嘉慶大夫文治

嘉慶大夫文治

嘉慶大夫文治

鈴山堂集序

浚川子曰君子修辭要在訓述道德經理人紀垂示政典尚也必品格古則而後文之美備故曰理勝則傳又曰言之不文行之不遠予讀大宗伯介谿嚴先生之集見其詩思冲邃閑遠在孟襄陽伯仲之間文致明潤宛潔揆之歐陽子稍益之奇未嘗不歎服其體格古雅而卒澤於道德之會也雖然此自其文體擬論之爾予嘗謂君

子之文根諸德性學術之造詣者深乎極
矣苟於是二者有歎雖其才智足以立言
不蕩於淫靡則芥於蕪穢不刻於佻巧則
痼於淺率不迂於事情則迷於時宜不惟
無以考德論學以之敷政軌物亦無所於
達矣是故君子病之今觀鈴山之集辭旨
冲淡者則知先生之純素雅則者則知先
生之正直簡嚴者則知先生之整肅溫潤
而韞蓄者則知先生敦大而渾厚朗練而
有劑量者則知先生炳於幾先而時措嗟
乎茲於道於治其庶幾矣夫安得而不傳
使遺之後來必卓爲世模倘代夫王言必
有光綸綍此予之竊覩於先生者也世之
君子當有契於予言

嘉靖十二年歲在癸巳五月庚戌

資政大夫南京兵部尚書奉

勅參贊機務儀封王廷相序

予每遇誦介谿宗伯詩輒興歎曰泊乎希

乎而古之遺音焉然僅一二也而今得鈐山堂集乃詩若文咸備窮日之力且誦且歎而弗能已於言聞崆峒子評介谿詩曰淡石潭翁又曰達達者其詞和淡者其詞平夫和平而後謂之至也大圭不琢琢則理紊大羹不調調則味漓上古之文而洋洋而噩噩而優柔平中其大圭大羹之存乎自夫騷工墨匠矜竒角巧僞以剗朴澆以漓醇浮以蝕雅缺然希聲之不復作也幸而有和平之音其於古作者之志則幾矣是集也玄不崇虛深不探冥博不闢靡竒不衒怪變不習誕葩不離實密不繁節健不耀鎗思冲冲爾情熙熙爾風融融爾氣灑灑爾光淵淵爾正猶廣座之中呼者呶者譟者號者奮袂並起撫而止之而從容以言旣和且平則呼呶譟號咸失其音矣夫行空谷聞人足音猶愕而喜况油然而聞古之遺音乎予固于是而三復焉

嘉靖辛卯仲秋既望
資善大夫兵部尚書兼都察院右都御史
蘭谿唐龍序

鈴山堂何宗伯嚴公里居也集何公製也
錄公製表公里居何重公也劉子序曰美
哉製乎泯泯乎聲哉雍雍乎度哉燁燁乎
文哉鋪采摛繪麗詞與旨楚漢之遺軌也
宣志理情和聲昭則魏晉之遺音也詮詞
命意闡道倡義陳時類事披悃繹素絕塵
唐宋振響周秦者也允哉詞苑之鴻裁藝
林之懿範矣夫追之琢之文之至者也金
之玉之質之至者也公靈含玄悟邃詣精
蘊純粹冲和妙厥致矣是故發爲藻華抽
運妍巧播之篇簡超契冥曠胡言弗燦胡
辭弗章是故神馳八極心遊萬仞經經緯
傳馳古驟今謝已披之朝華啓未振之夕
秀而流被無窮辟之金追而玉琢之非文
之至者哉吁美哉製乎深其造矣

金山堂集 卷之二
嘉靖壬辰冬十二月朔

通議大夫刑部右侍郎大庾劉節序

綰從大宗伯介谿嚴公燕暇出示鈴山堂
集稍讀一過曰盛哉公之文也庶幾時弊
不入歟蓋古之爲文者其大先於言行之
實其次則在事物之情方其時制度定禮
義則聲教明風俗同而道德一故其文精
實簡確醇厚含蓄平易明白使千載之下
讀之猶足興起雖至閭巷婦女田野鄙夫
出言成章亦非後世學士大夫之能及其
存於載籍詩書間者皆可見也或有聱牙
佶屈如三盤十誥者乃當時榜示因其方
言使之易曉其後史官節畧有若此者豈
爲文之體固如是也蓋今之爲文者不本
言行之實不求事物之情功利是謀得失
是計尚模擬者其辭誕騁私意者其辭昧
徇俗好者其辭亂務竒怪者其辭艱崇組
繪者其辭靡惟誕故虛泛而無實惟昧故

是非失其真惟亂故流蕩而莫歸惟艱故
蹇塞而無用惟靡故淫侈而寡要所以叛
道失經誣世病國為生民害而莫之已也
公以清明俊朗之才加以研精韞積之深
故其文之峻潔簡練豐腴委曲則嘗師法
韓歐故其詩之冲淡沉婉清新雋永則嘗
出入盛唐諸家力去近習成一家言君子
固稱之縮亦何云且公負廟堂重望遭逢
聖明以文敷治行當入贊

皇猷陶鎔天下之士而滌濯之其為斯文之
慶何如縮劣不足知公幸嘗辱教故書綴
集末以俟

嘉靖癸巳夏至前二日

通議大夫南京禮部右侍郎黃縮序

論者曰天之將達是人也先屈之其將亨
是人也先困之君子之自處不然達矣而
具未周復屈可也亨矣而中未實復困可
也夫江避礙於三峽而永河洄流於九曲

而廣君子之修也挈於心以協之天下鑑
之古以叅之斯世去其所不可不去存其
所不可不存則其發為功煥為文動四方
而垂千禩矣太保太宗伯分宜嚴公踰冠
舉進士上第讀書中祕試常冠吾曹自故
相李文正而下咸偉其才已直史館穹秩
可以契致而公歸棲鈴山之下結茅植椶
耽書履素積簪弁而冠鶻閑甘脆而茹糲
杵思樂潛為詩若干首銑誦之曰清婉而
綺不浮其質斯肥於山林者乎居十餘年
應召還館已使粵藩掌留院教國子貳吏
禮之卿遂長南曹如其貳者焉道路所經
官常所激僚友是酬為詩若干首感喻乎
交際訓敕乎生徒敷納乎治理為文若干
篇銑誦之曰辨于禮裁而藻思緻循乎典
常而玄倪寓詩其唐之春容文其漢之簡
健斯施諸廟堂者乎今

聖皇在位修正禮樂詢咨文儒公被 知遇

股肱攸屬

聖心之所創作羣僚之所建白畸士遠臣之所條上公隨方而應執矩以裁可可否否允稱

德意蕃錫累諭騰章奏謝將續梓之孟子謂造道資深然後左右逢其原亶哉銑考古之君興緒植業隨材而授若夫禮樂必俟儒者蓋分合天人知徹幽明體無述作敬貫清直一革一因上造下循或張或弛善登僻止故曰明乎郊社禘嘗者治國其如示掌於戲公之文之用至是而大矣哉

嘉靖己亥孟秋日

中順大夫詹事府少詹事兼翰林院侍讀學士安陽崔銑序

鈴山堂詩序

詩三百凡各道其心之所欲言而已耳無定體也詩有體後世泥古而忘已性情者爲之也泥古則困頓規矩而於辭有不達

忘已性情則淫靡趨向而於心有不盡楚
騷不必泥風雅漢魏諸選不必泥騷唐宋
李杜蘇黃諸律不必泥選縱橫高下各自
成家讀之可興可觀可群可怨心聲之發
所以同于人也何害其體之不同今歲首
夏嚴太史介谿先生過臨江出示鈐岡詩
一帙偉携入山中績讀一載見其格致高
古韻度深遠畧無齊梁以下光景及近時
膚之習疑其有從入手處而氣機圓轉
精彩華妙往往自見於繩法之外有非前
人漂沫所沾泥蓋自漢魏以來作者門戶
闕闕已熟而思以奮自起立別爲一體者
鈐岡山名先生所居近之景趣擅一邑之
竒旦暮遊息其間芳潤熏漱有不知其意
與境會言笑成聲者矣夫是雖作者亦已
忘言也偉非作者安知夫言之有得哉管
倚行墨之下時見一斑終非所以論先生
也雖然至治之聲也終當出鳴大和以備

鈐山堂集 序
一代之雅鈐岡林澗豈得專夫金膏水碧
之玩也哉

正德乙亥冬十一月十日

中順大夫鶴慶知府前工部郎中鷺沙孫
偉序

鈐山堂集序

自楨承乏翰林好覽觀當世之作者顧其
籍多不盡有居數歲乃始獲鈐山堂集讀
焉鈐山堂集者今少師袁州介谿嚴翁所
為詩也夫

明興百八十年矣而作者代起猶之霞蒸雲
變爛乎域中然問之學士或予或否揆之
古昔或合或鑿若斯集者寔所希邁覩也
夫古者今之範也君子之言也非法不道

故美而傳今夫公輸子天下之巧人也若
釋規矩而自創則拙此道明於弘治之間
於時作者數人興而鈴山在其中故蒐竒
抉異博者能之淫出幻化才者能之然法
以約是二者非好古篤力弗至也凡鈴山
之作三者具焉是故言出而人誦之鈴山
故與空同李氏交李詞尚法亟稱之語在
漁石唐翁序中楨既讀鈴山集乃後又會
長老先生習鈴山事者論道之也初翁童

也稱神既入詞垣即用才顯名乃復即謁
告返故所居鈴山之東堂而繹業焉蓋七
年往也於是蓄日以邃詞日以昌迹遠而
名顧近處深巖而朝士大夫慕焉尋乃游
兩都歷數階迨今相且四十載餘矣為言
累百千澤溢而流貯廣而發要自鈴山始
也故總其凡盡繫之鈴山號曰鈴山堂集
云歲乙巳楨得請且行從故事即辭於相
舍翁手集授之命曰歸序矣始翁居山中

有日者談公貴翁拒之詩元無蔡澤輕肥
念不向唐生更問年見載集由是言之當
是時翁於詞篤矣弗以富貴淆厥志也君
子立言而垂不朽者誠非易哉嗟乎弘治
時士先實後名用本達末然又皆安安於
退養之節如此云

嘉靖丙午三月望翰林檢討關西晚生王
維楨頓首謹撰

鈴山堂詩集序

昔人云詩必窮而後工又云詩非能窮人
待窮而後工耳其說至爲無稽尚論諸古
臯陶喜起之歌八伯慶雲之詠周公七月
之風召公卷阿之諷皆身在巖廊而業當
鼎軸者也下迨春秋會盟征伐交聘宴享
或自賦詩或引古詩非列國之卿則相禮
之使也三代而下若漢之韋孟匡衡江左
之沈約王儉篇詠之富傳于藝苑在唐則

金山堂集 二序
曲江燕國之二張巨山文饒之兩李又悉
功著槐衮而詠播藻繪豈必鶉衣百結而
後吟商聲首宿闌干而始出秀句乎乃知
斷髭聳肩嘔心搖首者乃自貽其感而非
本性情者矣詩能窮人與窮而後工之二
說豈其然乎愚捧讀元老介谿先生嚴公
鈴山堂詩而有發焉公起家翰林蜚英宇
內方其翔鰲署而徊鸞坡講金華而議白
虎已曄然負霖雨之望及登紫廬坐黃閣

日侍賡歌重興雅頌春容大篇則戛擊乎
韶濩緣情綺靡則煥燿乎國風郊島之寒
瘦元白之輕俗皆不入其胸次而染其性
靈若夫穿天心出月脇牛鬼蛇神時花美
女又所謂駭而不可施之廟堂而唾去於
藩籬之外者也蓋其志則師乎陶伯周召
而其體與辭則友乎韋匡沈王二張兩李
也豈其傳乎往年唐子薦歸自京師相見
出此集觀之愚妄有批評子薦取而鏤之

以傳不謂無鹽之突西子也且屬以序愚也空谷藜藿之與居大荒猿鳥之爲伍齒危髮禿植落才盡序也敢乎哉以唐子請之再而公不遺遺簪弗敝敝履且有台音之詒芻言之取也敬事操觚贅諸末簡若夫勲庸之偉翊贊之崇國史當自書之無俟愚喙云

嘉靖丙午夏五月望成都楊慎謹序

鈔山堂集序

丙辰之秋貞吉以使事至京謁少師介翁於直所翁之論文更僕而不倦也暨別去賦以家集而示之手策曰子盍批注之以數語復予也蓋翁意欲鄙人之序其集端耳是集也合若干卷翁之嗣君工部左侍郎德求刻於家塾者海內之士見且不得亟况得掛葭莩之名於其端哉爲是惴慄者久之乃投記以復翁曰惟公以道輔世

佐

聖惠生民矣而又工古人難工之辭成一家
言炳然澤於仁義矣而又得古人難得之
位功言并隆美矣盛矣世尠匹矣僕也雖
欲附於青雲之士而愧未覩於大方之家
自顧求一言之合道而不可得固不足重
於斯文也翁再以策督之愈切知不得謝
乃申前意以序之曰古之士其文辭卓絕
者其自謂也皆曰吾非學古人之辭爾也
乃吾學古人之道期以逢主治世而惠生
民也吾之文辭非直如古人之章句爾也
乃求如古人之能達其意而止者以爲之
宗也夫古人之意豈非以之治世惠民之
道哉是道也知學之者固難學成而遇主
者尤難也是故有道成而位不至則退以
昌其辭者矣抑有身達而辭未工則進以
任其事者矣茲二者古今人皆有之而并
得之者則尠矣何則位之至不至者懸於

遇也辭之工不工者束於才也遇因於天而才成於人誠不可易易而并得之也惟公則於并得之中復有異焉何則公身之達皆知因於天而思誠不匱公之所以承天者深也公辭之法皆知成於人而彌老益工天之所以縱公者全也其若是孰能匹公也哉在公之前者李長沙爲近之然其際稍艱而言未甚昌也其惟東里乎在東里之前者王臨川爲近之然其意稍執而業未甚光也其惟六一乎夫六一宗退之而成其爲歐者也東里宗永叔而成其爲揚者也公之於二賢雖未可謂數數然宗其道也然其立言有法能道其意指之所在冠冕佩玉有經綸康濟之氣倫吹韶鳴無摛曾擢賢之陋韜光芒於深泓之內行紆餘於雅健之中半詮而備庶德一言而通衆方酌之不竭而引之彌長者何其相類也吾聞古之人其取名也庶若是雖

謂公宗於二賢而成茲能事其有不可者
耶嘆抑豈矣功言并隆才遇兼美上下數
百年得三人而已耳然皆出於環廬陵數
百里之內也而臨川長沙相次近焉又何
盛哉予于是知湖南多君子矣

嘉靖己未三月望

嘉議大夫南京工部右侍郎蜀東後學趙
貞吉頓首撰

鈴山堂附錄

像贊

禮部侍郎像贊

禮部右侍郎增城湛若水

夫何宛宛之清人乎胡然而仙乎胡然而神乎目之
炯然如曙辰乎胡容之儼然如循循乎胡拱之翼然
如申申乎中若惇惇而存存乎迺遶之三匝三肅而
斂襟焉非介谿先生之真乎夫其中惇惇而若存存
也非作 皇吉士讀書中秘沉潛經笥翰苑校藝淵
乎其文思而不可涯涘乎其儼然而若循循也非司

成且瞻博約是兼文行雙漸 帝褒有言師範端嚴
也乎其拱翼而若申申也非秩宗三禮謙恭自致惴
惴惟是反覆疑義慮遠而邃也乎其自之炯然也方
將坐廟堂輔 天乎以營四方同仁於一視矚乎望
洋論道經邦燮理陰陽以回蒙龐也乎

左庶子兼侍講學士堂邑穆孔暉

鈴山孕靈挺生儒碩際 連世為國寅直有儼斯像
著德于色形臞神爽威儀抑抑生本夙知學充其質
操翰兩京文聞四溢進講經筵啓沃惟益總教成均
士懷其德師範端嚴為 帝所識拔佐邦禮寵秩攸
錫端委廟堂百辟承式年過五十玄髮長澤乃知天
壽允惟平格

公為祭酒
皇上有師範端嚴之褒故云

國子司業汝南林時

夫天降時雨山川出雲賢才之生有關氣運尚矣
故易贊泰亨書稱帝賚斯其較然甚著者也嘗聞
弘治乙丑春將試士 孝宗祈天冀真才薦焉乃
今果彬彬在 位號得人矣公又特焉表見者也
茲謂關諸氣運非邪時往從館未寔向慕公逮公
掌國監獲侍教焉雖不佞亦庶幾知公者爾覽者

將有考於斯夫贊曰

列星寄說崧嶽降申將興至治乃眷斯人文擅國華
學探幽蹟其行有常其儀不忒樂善之量求道之心
凡我君子罔不是欽顏面睟然衣冠顯若百世高風
聞者可作

翰林侍講學士鄂渚廖道南

瞻彼君子之範允矣古人之心遠而望之身若不勝
其衣而端恪疑重近而即之言若不出諸口而温厚
和平鈴山毓秀詞苑蜚聲司玄王之五教嗣彤伯之
嘉音含道之腴履德之貞若公者豈非懷鳴鳩之念
被蔚豹之文而為後學之儀刑也哉

南京吏部尚書像贊

南京吏部右侍郎莆田林文俊

冢宰介谿先生嚴公像 文俊不佞敬以數語贊之
語既不工而又愧知公之未能盡也贊曰

臞然其貌而內則腴眇焉其軀而志則大其學務深
造必與古人而同歸其行不能隨每以流俗為可哿
文章古雅世之敦彝謀慮老成國之著蔡守不變于
險夷事不擇乎利害清風古且節百僚是師正論謹言
一人攸賴嗚呼是為嚴公之行而世稱以為介者乎

是以道結於 聖明望傾乎中外然士大夫爲世道
計者尚惜其留署之淹而企其端揆之拜也

南京吏部右侍郎 婺源潘旦

形臞於鶴神清於仙和則春溫介則霜嚴持已以敬
待人以謙中道而立無黨無偏從容矩度百僚具瞻

都察院右副都御史 吳郡顧璘

淳風既邈士德斯易行飾宜黃文有枝葉穆穆太宰
履道爲則慨然遠想含華嘉拱實志軌先民學苞群籍
溫恭有儀小心翼翼行顧其其方言慎其格罔有城府
弗作險棘爰葆中和成是正直狂瀾砥柱清廟珪璧

官著屢昭 帝眷有赫風彼四海永歌平裕

南京太常寺少卿高陵呂柟

貌癯而清言溫而肅行如雲翔立如鶴矗下士忘疲
好善若粥斯其人蓋欲以天下爲度而思使閭閻遐
荒皆厭梁肉者乎

南京國子祭酒鉛山費家

爲龍爲光如金如玉和匪尚同貞不絕俗外也不岸
中也無谷有典有則華國之文有倫有要經世之勲
儀刑譽髦領袖縉紳 聖皇所毗君子攸珍偉茲風
采天下想聞何以畀之入觀楓宸永錫難老以弼

一人

南京國子司業泰和歐陽德

泊乎其類山澤之臞瘠乎其敷道德之腴行不詭隨
可否從違之必協於義文有典則疾徐豐約之各極
其趨衆方苑樓而罔擇於枯世多巧逢而寧取其愚
茲為詞苑英儒士林哲模宜其寅亮公孤黼黻帝圖
若夫幼悟性殊嗜學忘劬今人與居古人為徒所謂
一驥徐驅百駑區區望塵矚如十駕而不可逾者乎

南京吏部主事門人趙文華

煦兮春陽淑氣粹盈肅兮秋容天高雲澄顯顯夫子

釣之英仁舒義翕淵角山庭遭時 明聖蔚為

楨立德與言示之準繩德立維何外和內勁威儀抑
抑正已物正言立維何發幽鳴盛嚴藻雄詞珪璋交
映人方疾馳以取售我則居常而守靜人方恣睢以
擇利我則遜處而無競人方夸詡以自用我則謙冲
而廣聽殆休休其有容直易退而難進故景仰者咸
願鼎鉉之司而親炙者熟識丘樊之興然夫子於斯
二者又曷嘗有所將迎也耶

門人泰和陳昌積

叙曰昌積嘗謁廬陵忠節祠而觀歐陽文忠公像

矣聳眉修目面若脂澤有文章相及登楊文貞公
堂而見其廣目方頰面闊齒露家鬚背頗偃僂然
豈天授之背將表見其負天下重器耶諺所謂至
人無貌良然世多言鈴翁夫子長身矗立瞿瞿不
勝衣眉踈如無爲壽鶴相乃今重瞻望其狀貌清
若文忠而背負若文貞也彬彬然鞠躬君子哉至
其文章經緯澤業謨明爲祭酒而作士爲吏部尚
書而總正公方薦紳學士類能言之昌積弗述惟
述其行事似周公者以證其貌如心云贊曰

奕奕鈴罔薦生麟鳳發聞弱歲器薄黃張既施文德

表模四方木天壁水虞敦夏璜尚書山立鶴相龍光

似美周旦豈曰歐陽何以似之忠善實兼亦由吐握

好士思皇又何願之入調陰陽名與居賢寔重廟堂

平格天壽永錫民康

漢張安世黃香
俱童著殊才

禮部尚書扈 蹕圖贊


詹事府詹事兼翰林學士上海陸深

此公扈從南巡時耶恩袍冕耀雜佩陸離孤卿重望

文武兼資 天子神聖省方以時公在左右禮樂是

司六飛晨渡車騎夕馳據鞍握筆草奏陳詞密承顧

問特受 眷知其望之者曰此神仙中人以予度之



原件短缺

P7-P8

乃當代之名臣也耶

行樂圖贊

前人

龍章鳳姿巖廊在上高才古調清廟餘響曷與休哉
大宗伯像此文章禮樂之司而霖雨盪梅之望也

少師大學士像贊

少傅兼太子太傅吏部尚書文淵閣大學士

靈寶許讚

著于面藹清淳可挹之容周于身儼雅敬可度之儀
豈瀛洲繪真之仙彥抑凌煙圖貌之英者皎如文鳳
紫宸煌煌之瑞采昂然青麟丹陛挺挺之異姿是豈
正眸平視秉明照以無私竦立歛容履貴盛而思抑
拳拳乎興治建功之心翼翼乎履繩蹈矩之實亮天
之工庶績以之咸釐定國之是衆志由之不惑聞望
重乎珪璋忠誠貫乎金石噫古有大臣儼然正色茲
惟吾介翁之爲德歟

南京禮部尚書進賢萬鏜

吾聞之其心肅者其容敬其心莊者其體舒其心達
者其顏沃其心邃者其神完其心定者其氣勁其心
憂勤者其貌癯夙夜惟寅以事一人非肅乎曠度
平平不陂以側非莊乎虛明畢照事至沛然非達乎

精詣研思學深自得非邃乎孤忠屹立百撼靡搖不
亦定乎遺大投艱每忘寢食不亦憂勤乎擬諸其形
容象其德美非吾介谿先生而誰耶說形惟肖股肱
乃良山甫令儀百辟斯式先生之相業不其比隆耶
可示者貌托諸丹青自信者心質之蒼旻丹青有燁
爰得其似蒼旻無言疇識其真然則識之者惟 聖
天子之明與夫同志者之英耶

吏部尚書建安李默

維南有衡盪為蜿蜒勃鬱糾幽莫之或宣卓彼鈴阜
篤生哲賢焱發全涌應時奮騫文經武緯天挺奇氣
嶽失崔嵬霞同絢蔚以琢以追金玉斯貴肅如霜法
溫與春暈矩不遺步言必擇安和衷履坦廓摧嶺岵
遊銛盤錯意舒神完孰為後凋松筠歲寒穆穆相君
爰立 帝側吐詞為霖澤被四國卑躬下士日靡遑
息豈曰恤私敬以崇德厥敬伊何執圭捧盈居高慮
滿寵至若驚忠純粹白弼於 明明顯允今儀載世
法程貌恭行肅考祥視履勲蓋前聞道恢遐軌碎乎
盎然維有斯似我儀圖之光映千祀

工部員外郎門人泰和陳德文

肅乎其栗而寬恪乎其恭而安 聖眷隆膺恒兢業

而抑畏政機密贊顧力瘁而心殫賴天佑其椿松之
茂而 上鑒其葵藿之丹是以震撼不搖擬風波獨
立精堅莫滓如白璧斯完親風度者愛其藹春陽之
煦景德輝者美其振威鳳之翰施霖雨於天下正纓
笏於朝端宅有虞之百揆總成周之六官方之於古
謀斷兼資乎房杜文章上繼乎歐韓庶其垂竹帛而
耀琅玕也歟

鈴山堂集總目

卷一

賦

卷二

詩

卷三

詩

卷四

詩

卷五

詩

卷六

詩

卷七

詩

卷八

詩

卷九

詩

卷十

詩

卷十一

詩

卷十二

詩

卷十三

詩

卷十四

詩

卷十五



原件短缺

P3

詩

卷十六

詩

卷十七

詩

卷十八

頌

卷十九

序

卷二十

誌銘

卷三十一

誌銘

卷三十二

誌銘

卷三十三

阡表

卷三十四

神道碑

卷三十五 三十六

神道碑

卷三十七 三十八

神道碑

卷三十九 四十

誌銘

鈴山堂集總目終

鈴山堂集卷第一目錄

賦

祇役賦

景雲賦

恭和 聖製奉 聖母舟行賦

嘉禾賦

橫山賦

鈴山堂集卷第一

賦

祗役賦

上纂祚之七年余承乏禮卿之佐祗役 顯陵發自

國門馳燕趙之郊遵衛涉漳經鄴城踰大河而南趨

襄鄧以入于郢周爰咨諏有懷靡及延覽古跡慨然

遐慕爰敘行歷而作賦焉其辭曰

歲屬著雍日離鶉次 皇帝升法官御宸辰有詔若

曰朕賴 先德獲纂天序睠惟 顯園越在郢里霜

雨悲懷靡遑寧止爰飭崇儀備典昭祀咨爾禮臣其

往予使於是臣拜稽首對揚 王休承 皇命于當

宁兮備大使於 山陵 寶冊授以燕賜兮賚金幣

之爛盈引閣門而陛辭兮戒祖道而南征爾乃抗節

都亭騰符赤縣臺省徵言公卿張餞盱斂物以舍郊

兮周禮雜帛為物大夫建物儀禮舍于郊 夙展載而

趨傳涉漯河之修梁兮窺黃流之奔駭盧溝橋河名

小黃河其流濁也 涸桑乾之經恒兮合衛河而赴海

漯源出西山桑乾山經太行山入橋至直沽與衛河

合而入海 顧天府之都會兮歸堂陛之雄塏蘇秦謂

燕天府之國寰宇記云一大都會梁襄云地處雄要

北倚山險南壓區夏若坐堂陛范鎮賦博大爽塏食

中都之息足兮眺廣陽之故績中都春秋時名有廣

陽故城今良鄉縣 心遲遲而有違兮還慕瞻乎京邑

簡書畏而遑處兮駢周道其焉廢日履上谷而慕

楊盧兮路厥鄉而起式上谷秦郡名今涿州楊震涿

守盧植涿人 晝余芟于宥戒兮戒音戒五代鎮名今

安肅 倏保定之夕屆誦橫翠之雄賦兮信控扼之險

隘劉因作橫翠樓賦 自秦漢而為鉅鹿兮底五代而

歸胡界中國望兮吐蕃宋陵悲兮虛塊劉因賦控鴈

門之右塞引雉距之清流倚太行之宕觀接易水之

長洲秦為上谷鉅鹿二郡五代割屬契丹宋欽陵慶

陵安陵在焉隋山路之昧塞兮橫唐河乎倒馬唐河

在唐縣西十三里倒馬關名從葛洪與太一兮紛合

沓而屏野葛洪太一皆山名關西南層巒疊嶂此特

其高者猗堂閱古之若新兮並不敞于嘉山美名鄉

之偉略兮炳圖籍之班班嘉山定州山名閱古堂韓

魏公帥州時建繪古今名賢事于壁閱恒山之隩區

兮嘆欒武子之霸烈嗟李牧之將才兮廼信讒而取

滅真定漢恒山郡浩滹沱冶河合兮緝金隄其隄

元史滹沱河本微與冶河不相通後二水合其流始

猛屢壞金大堤為患何湍悍而遽冰兮信王命論之

非惑光武兵至河視冰合遽渡伊倉卒具乎麥飯兮

乃名亭而載德馮異為光武具麥飯于此有麥飯亭

葺趙州其作國兮停余車其興思何虎狼之強敵兮

獨持壁而完歸示死國之有人兮陰折衝而申威視

却霸之賈環兮厥勢難而功奇彼以亶父例責兮惡

知乎立國之權機趙州古趙國晉韓起聘鄭欲賈鄭

商人環子產不許曰恐為晉鄙也揚龜山以大王事

狄責完璧之過萃大行雄鎮邢臺兮漳水汨其帶紫

順德府為古邢國登叢臺以惆悵兮感蔓草兮流塵

當妖曼之悅陳兮豈識夫異代之悲辛邯鄲叢臺趙
 王歌舞地聞漳河其總余轡兮俯清濁之異同驚纍
 纍其冢連兮迺知曹計之云窮漳河二源出山西曰濁漳出平定曰清漳俱入衛河道旁有曹操疑冢七
 十三處厲猛氣之飄疾兮窺神器乎梟雄苟有愧將
 焉逃兮藏天下其疇訶唾偽迹而驅馬兮突古姜里
 之城屹彰德姜里城文王演易處盡忠誠以蕩蕩兮
 遺厥難焉而彖易發天秘以開人兮俾三綱九法乎
 無斃卒化德以悔悟兮畀伯鉞以謝失何史臣之厚
 誣兮仗閔啟以賂釋偉湯陰之正氣兮孕精忠之武

穆憤二聖之莫反兮指朱仙而奮轂使金牌之不出

兮豈唯故置之能復何宋帝之遺親兮使吾人籲天

而莫贖卒英烈耿天地兮忤奸人兮世戮岳武穆湯

陰人休淇衛之降災兮悅殷憂而欷歔火朝覲而道

第兮野彌蝗而墾藝無列樹與川梁兮塗積醜而忍

視是歲衛輝以南皆旱災俠繪狀以陳圖兮黥發粟

而矯制爰觸目而惕中兮徒慙乎古之為使濟滎澤

而南逝兮越洪河之浩渺陽侯怒而天吳號兮羗禡

魄而震掉盖五千里而達中土兮踰九折而出西徼

非都實其疇窮兮靡昂霄其焉考都實元人窮河源

後翰林學士潘昂霄得其說為河源志世言河九折
 彼地有二折蓋乞兒馬出反必赤里也陟鄭郭而躋
 丘墳兮想裴相之平淮唯廟堂之成斷兮知人善任
 而無猜何彥章之忠勇兮惟金虎而功墮若子皮之
 授政兮更千古而微儕裴度平淮西時駐節於鄭州
 西門和義橋後人立祠於此王彥章為後梁鄭州防
 禦使將戰馬踏被唐莊宗擒不屈死葬此歐公為記
 鄭子皮知子產賢授之政曰虎跡以聽誰敢犯子朝
 發軔乎新鄭兮應國御而告曠葉縣古應子國嘉二
 水之渙渙兮濟余輿於溱洧之潯閱歷孰匪古事兮

心賞貴於所欽登高丘而眺昆陽兮髮毛豎而魂慄
 想漢兵之決戰兮犯初鋒於尋邑虎豹象羆其咆哮
 兮猛士雲屯而川溢眷炎咋之載輿兮豈僭竊之能
 敵岫嵩麓之截業兮阨綿亘而趨南都南陽也古稱
 南都倏岡斷而盤回兮隱卧龍之故廬地志卧龍岡
 起自嵩山綿亘數百里至南陽而止回旋如巢然諸
 葛亮草廬在焉想疆理之區畫兮咸分鼎之弘圖感
 三顧而一出兮果靡言而不符城南許而曰樊兮峙
 荆襄之屏翰義雲長之困仁兮慨英富之死戰關羽
 圍曹仁於此張弘範攻樊城曰襄在江南樊在江北

樊破則襄亦下以舟師截江銳師薄樊城城陷漢英
死焉牛富率死士巷戰進遇民居燒絕街道赴火死
振吾纓而斯濯兮鑿清漢之泱泱源蟠冢而入江兮
會沮泌之諸流漢水源出隴西蟠冢山由漢中流經
均州光化襄陽東南至宜城大別山入江臨山南之
層觀兮造襄土而停輶襄陽郡治有山東南道樓唐
李陽冰篆南觀羣山北望中原爲一郡之勝美哉邈
乎茲土之舊也挾巨浸以爲池面崇山以爲郭嵬峴
岡而橫亘沛檀溪以邪絡跨益棘而徹梁洋兮極湖
湘而控宛豫曹操嘆爲金城兮司馬謂爲要地曹操

過白馬山奠金城千里魏司馬懿云禦寇要地鎮有

祐而歸心兮羊祐士得依而倍氣陶侃虞議定而鄧

完兮虞允文岳志決而金避岳飛城東南之根本兮

何宋人之失計今古同於一嘅兮撫長川而嘆逝釋

余馬于宜城北兮斯惟善謔之古驛彼放鵠而揭籠

兮雖辯士而於國益宜城縣北二十里古善謔驛今

名潼口驛有淳于髡墓在驛即髡放鵠之所於是商

秋肅節玄雲霈陰涼風凄其薄體濛雨鬱兮下零眷

庭楸之墜葉兮感賓鴈之遺音未境入而墳壇兮在

畫堦而北帷不假宮而布幕兮式三展而登輿儀禮

使者及境畫地爲階惟其北不爲宮布幕展習其禮
邦郊近而物張兮候人辟爲前驅修閭帥而追胥兮
野廬環而守涂授館致餼官正泄事司事至而請期
余乃沐薰而戒具笳吹雷動部乘雲屯嚴鼓載奏冠
裳駿奔庭燎炎晰而燭天簫管軒磕而聳山曳雲梢
而拂電樹虹旃而隱巒華翟奕奕清瑟雍雍春醴維
醇燔炙亦從陳殷薦于寢廟兮上徽稱于主
寶冊讀而帛焚兮易宮懸而萬舞拓園陵之舊
觀兮飾宮寢之新度侔崇侈于天壽兮效大亨于
皇祖于斯時也屬工役課章程百伎呈材大功以

成鬱翬飛以鳥革峭繩直以準平差我嵬嶷猗靡隱
嶙邈侯王而特出譎帝藏而鴻紛據坤靈之傑勢承
蒼昊之精殷苞陰陽之神化含元混之網媪甘露被
于楸櫝玄醴涌於唐陳朱桂蒼鬱于平城蘭芝鼓祥
風而激芬禺強扶其左右禺強北方神名堪坯呵其
域局堪坯太山神名永安固以祉福爲社稷之基
寧爾迺登白雪兮激皇琴撫陽春兮動虞賡訪解珮
之浦尋聊屈之岑訊五龍之堰沿龍鳳之潯盤踞登
觀汚隆測景浮漢江兮連滋泗阻石城兮臨京嶺嗟
乎偉哉夫此郢方兮在春秋而虎視兮霸齊晉而莫

制在戰國而爭帝兮強如秦而亦辟光武以之復漢
 兮春陵為之啓瑞諸葛躍馬而興蜀兮呂陸揚英而
 顯譽東晉倚之為強兮梁人憑之易氏自時厥後匪
 一春秋遂為偏方降為下州山川雄氣停疑憤盈一
 旦發泄傑出 真人續往聖之綫緒兮復中古之隆
 平藐余生之何幸兮亨運還而陽長赤余衷而見揆
 兮簡駿命而弘獎布几筵而實來兮懼委命兮草莽
 竭愚誠以效職兮庶副 孝思乎深望諄曰赫赫中
 興弘我 明兮不顯惟德極尊親兮頌是大物萬古
 程兮監此四國求民之瘼兮仁以為理兮敷天以慰

兮臣職庶靡悔兮

楊慎曰此賦似潘岳西征之工而無其繁蕪之病

景雲賦 有序

聖天子即位十有七載明飭庶治協和兆民既正

郊祀既崇 廟祀迺稽古禮發綸音尊 嚴父以配

帝開明堂而大享歲在戊戌月惟季秋百物告成

報禮斯舉先三日巳丑日正午天宇澄霽有五色雲

氣抱日光采絢爛熠燿如綺臣民瞻呼久之不思考

諸載籍若煙非煙若雲非雲郁郁紛紛蕭索輪囷是

謂慶雲亦曰景雲此嘉氣也太平之應援神契曰天

子孝則景雲出遊信斯言也允符今日之徵况自虞

金山堂集 卷一
廷歌罷官紀不述者閱三千年于茲矣恭惟 聖上
夙秉純孝肇興曠儀方當庀事之期即協天心之豫
明德達於惟馨靈符昭乎有象式美虞黃之化維新
河洛之章臣嵩忝備禮官恭承盛事謹撰景雲賦一
首奉紀殊祥竊附於古詩人頌德陳事之義賦曰
於 明后之御天兮儼穹窿而下親昭景雲以垂象
兮光煜郁而紛繽初網緼其射采兮倏蓬勃以景煥
恍騰龍以擢形兮若翔鸞之擣翰既霏廓而氛澄兮
亦葩蔚而柯散俄捧日以昭回兮歛繞空而粲爛非
煙霧其曷類兮苞五色而融成映臺觀而掩鬱兮獨

光絢乎紫庭衆叩首以駭目兮感熙事之無前載閱
墳籍其何祥兮乃孝德純至而格天玉燭輝爍以磅
礪兮光華亘乎九筵彰聖化之洪龐兮昭文命於萬
年惟 郊祀暨 廟享兮秩百禮而率舉羗明堂之
未備兮 聖心鬱而未遂物阜成而曷報兮荷生成
其孰主 皇考淵德以啓 聖兮上巍巍而爲伍盍
我將而我享兮父 昊天其來子爰卜吉而告虔兮
神髣髴而延佇倏嘉悅以生色兮舒雲章而爲祥默
無言而示兆兮旌帝德之輝光昔帝堯之沉璧兮感
斯瑞之昭格虞陳祐以作歌兮宣榮光之四塞黃合

宮之初構兮亦發祥而彰德猗我 后之聖神兮軼
遐軌於百王聿崇禮之肇稱兮紛來籍乎殊祥粵昔
事 帝園丘兮垂寶露之穰穰何先後之一揆兮信
感通之不爽也歌曰倬彼景雲龍之翔兮熒熒煌煌
爛天章兮天心寵嘉 聖孝備兮 聖德廣運望如
雲兮臨照四方光八表兮於萬斯年旦復旦兮

恭和 聖製初夏奉 聖母舟行賦

嘉靖丁酉孟夏初吉 皇上有事 山陵既乃駐蹕
金山奉 聖母章聖皇太后御龍舟汎于西湖享至
養以尊安屆昌辰而娛侍於是 上親灑宸翰製古

賦一首從官詞臣咸踊躍忭蹈而恭和焉嵩謹賦曰

踰國門而西驚兮歷岡阜之袞長屆迎夏之九辰兮
協帝德之盛陽金山轟而佳麗兮巨浸匯以汪洋御
龍舟而臨汎兮震鏡吹之嚶嚶牙檣耀日以聯集兮
羽葆承風而飄揚惟 皇大孝隆至養以奉 慈懽
兮豈汾遊之可方凌浩渺而遡空明兮俯雲影於天
光慶四海之寧謐兮民熙物阜嘉股肱之得人兮主
聖臣良冠百王以首出兮咸一德而允臧乃 聖心
猶惓惓兮粵稽古而圖治灑宸翰之謙冲兮同堯舜
儆戒之弗忘仰 聖神之廣運兮配天罔間期懋敬

於無斃兮皇國是匡諄曰四月維夏景物嘉兮爰奉
慈顏悅且康兮法祖用賢懋治功兮乃賡載歌
以永傳于來世兮

嘉禾賦

有序

皇上至德格于三靈嘉祥應于嗣歲乃甲辰秋八月
帝苑之田穀生一本雙穗計六十四本臣嵩獲奉命
同諸臣觀之同本異岐厥穗挺出厥實駢垂誠希世
之上瑞也蓋閱歲而再見焉倚歎休哉謹拜稽首而
述賦曰

維聖皇之御極兮恒志存乎四方念民食之維寶
兮祈上天之降康猗精運而誠感兮肆受祐于我將
迺嘉禾之蕤蕤兮俟帝畝以呈祥曰一本而雙穗兮
何生殖之異常矧數擬於八八兮備羲畫之陰陽將
神明之樹藝兮披方宿之垂芒迎金風而薦實兮浥
玉露以含芳慶豐穰于農扈兮擬倉廩于茨梁豈周
禾之足稱兮匪漢麥之可方知太和之攸萃兮表至
眷于玄蒼重曰惟聖至仁撫四方兮一德升聞格
九光兮雨暘均調地獻祥兮嘉禾丕生徵百昌兮神
人胥慶樂且康兮惟聖萬壽福無疆兮

橫山賦

吳之東南有山曰橫山者州之望也山有五塢境號幽邃盧子師陳構室居之盧子名繫仕籍而志隱巖石予乃為辭以慰喻之云

伊橫山之神秀真吳會之奧區轟巖巒之合沓渺林岫之縈紆石湖南阻震澤東望澄景泓渟層波迴瀆哀猿吟兮翠屏白鳥宿兮煙浪樹嵒萼以樛枝石磴礧而成象標五塢而得名乃瑰迹而殊狀爰有飛流懸瀑滅瀨澹淙界青壑而成簾需銀河而瀉空入樹灌生馥醇菁葱鳳翎連娟擢修竹車蓋偃寒團喬松至若朱霞曜岡白雲縣嶺蒙曦暎之丹氣暖皓灑之

素景雖赤城兮鑪峯曾不足喻乎茲境故方輿紀圖僊隱遺蹟羽士侈宮禪伯留錫抗宇崇覺明壁洞室或憑崖萼之清峭或翳篁械之蒙密粵稽馬雲宋代之賢登憇茲山樂而賦焉摭英詞於篇翰寄妙賞於風煙地得人而逾勝迹因文而迺宣曠之千祀乃屬盧子吐蕙含珉凝章挺思結雲松之高盟攬薜荔之頽址爾乃決樞翳披蒙茸疏芳沚掇幽叢遵葳修之往躡肇營考於新宮專一壑之特勝翕眾美之來宗蒼軒貯月蘿幌留風林窅窅兮可以觀妙雲溶溶兮為之盪胷窺墳素兮長圍振荷衣兮遙峯及夫金門

薦書華省造屬繡襍瓊裾文茵丹轂掄材江介賦政
 關澳志與事以時違俗嬰情而相逐睠望故岑怒焉
 勞心結思蘄若軫懷谿林驚帳蕙之夜鶴變園柳之
 春禽撫絲桐而獨和倚尊酒而孤斟折瑤草而自惜
 乃獨以寄夫微音乃謠曰湖上山兮瀾白雲湖洲草
 兮春復春臨滄流兮弄明月攀玉樹兮懷佳人嗟夫
 寓形宇內殊族萬科志士弘濟達人寤歌耦耕沮溺
 環轍丘軻慨流坎之靡形貴所立之弗磨履貞信以
 為途庶吾行之無頗

鈴山堂集卷第一

鈴山堂集卷第二目錄

詩

雪霽登鈴山

登郡城南樓見仰山遲遊侶

覽遊大仰山宿東谿方丈

仰山置酒

大仰寺

仰山尋鄭谷書堂

謁古廟

出仰山

金山堂集
卷二目錄
十一
過長陂

阻雨不得登蟠龍

途中晴

山塘

蒙山石門梁孟敬先生隱處

仰天岡

泛舟

鈴閣對雨

鍾山遊眺

鈴閣秋集

登宜春臺

東溪晴泛

江臯

郊行

洞靈觀

東堂新成

賜告

晨起

春日

讀易

感述

有喜致醉

春曉歌

夜讌歌

乙亥年雪

霰

伐園中木

雨後南池

夏日間居

對雨

秋夕間居對雨

郊園

觀雨作

齋中讀書

望鈴山

觀馮式寶禹鈞事述詠

月夕黎君見尋

中丞劉公盧州宴集

江館聞雨

宿馬洲

登高值雨留山舍

集劉大別業

喜友人至

中秋陳大叅分司同楊太僕宴

秋夕東堂同傅館長兄宿

鈴閣同劉子集咏

應和見尋

將赴京作

將赴京登郡城春臺作

登春臺貽錢別駕

對雪贈客

答符子

鈴山堂集卷第二

詩 前藁

驚沙孫偉

升菴楊慎評點

雪霽登鈴山

千峰積瑤素寰宇映空明
 仙人好赤脚獨躡層冰行
 疊石疑瓊島高樓思玉京
 勁風仍振木朗月已輝城
 永夜山中宿山泉松澗鳴
蘇曰句句欲活神爽飛越
 登郡城南樓見仰山遲遊侶

樓壓春城迥山連曉霧寒
 身高百林上興逸一峰端

盤踞開雄鎮登臨聳鉅觀所歡猶未至惆悵凭欄干
覽遊大仰山宿東谿方丈

夙駕踰城廓決策戒行遊良朋欣屢集積潦况初收

鳴鳥盈芳甸嘉樹蔽層丘覽籍眷名蹟茲焉獲所求

披榛陟危磴拂石漱寒流暝投東谿宿密竹僧廬幽

松嶺露微月蒼蒼烟露浮

城中望靈山縹緲隔雲霧沿廻至山麓山形始呈露

大仰摩青穹鳥道不可度鄧仙與木平俱峰名隱若森

拱護嵐烟迷近遠明雷變朝暮伊余猿鶴姿探賞愜

幽悵巖巒紛合沓一步屢回顧徘徊青蓮宇延竚古

松路緣葛或寒崖飛泉亦當戶永念區中人曠能息

塵務

仰山置酒

春遊入古寺息駕在山阿不飲杯中物其如山色何

泉聲間鐘磬草色上烟蘿向夕嵐霏起諸峯猿嘯多

言外介溪性性如是

大仰寺

珠林勝境隔人寰古樹高花隱石闕流水聲中一犬

吠白雲深處數僧閒龍潭路黑烟常覆螭首碑荒字

已斑明日驅車入城去却從塵裏望山間

仰山尋鄭谷書堂

遺墟那復辯巖石但蒼莽遐想嘉遯年雲霞結真想
餘輝賁草木秀句在穹壤泠泠韶濩音千秋寧絕響

謁古廟二首

緣廻數里道盤互百重山攀林興不極沿流趣自閒
雲度肩輿裏花明叢竹間神宮藏閬寂龍井鎖潺湲
時見林中侶相攜採蕨還

茲山饒靈異古廟極巍崇下有千尺潭深黑蟠蛟龍
興雲雨曠歲闔境歌神功神功既莫測民祀當無窮

出仰山

逶迤遵石磴悵望別雲松老僧不出戶齋閣自鳴鐘
鐘聲在山間客子出山去細雨濕春衣新寒入高樹
此中風景斷塵凡回看翠壑鎖烟嵐劉郎不記來時
路千樹桃花隔水南

陽曰典致酒
酒是謂合作

過長陂

長陂鳥鳴初日暄遊子度嶺窮攀援行尋歇馬廟名
訪新廟望近蟠龍村名識古村春深尚喜林花盛雨
後忽驚溪水渾野老相邀具雞黍解鞍時復過柴門

語意渾然
又在工巧之上

阻雨不得登蟠龍

溪上風雨來颭颭篁竹亂油雲翳層峰對面隔霄漢

鳥道紆百盤龍門在天半佳期恨緬邈寒望增凄斷

下馬憇林居一顧屢長嘆自無飛仙術安得凌絕觀

山半有龍門關

途中晴

山遊苦奔峭會意樂有餘大仰尋真隱蟠龍迴我車

濕雲收絕壁高柳媚清渠陂岸生新水期來坐釣魚

山塘

山塘深且廣邈迤抱山麓隔浦見人家依依桑柘綠

一落烟水寒遶塘飛屬玉勝之景間澹之趣天然自見不待洗鍊

六句詩惟唐韋應物劉文房最佳此得其三昧

蒙山石門梁孟敬先生隱處

東蒙擅竒秀萬仞削蒼壁陰崖闕浮雲暘谷曜初日

遙思石門叟長歌倚巖室歲遠跡已陳春草綠如積

情屬不淺亦不能辭

仰天岡

石磴盤秋蘿危亭出峰樹行人上山道望望雲飛處

洞口晚鐘聲林僧獨歸去

泛舟

泛舟無俗情水送復山迎江色迷朝靄松陰轉午晴

穩依危石纜深傍綠蕪行吾已忘機事沙鷗莫漫驚

鈴閣對雨

白霧湧巖扉迴颺吹客衣
萬松鳴雨急孤閣到人稀
眺迴迷前浦憑高失翠微
惜春今已晚虛負採山薇

鍾山遊眺

可憐春岸飛鷗鳥又見春山長薜蘿
峰勢插江谿路小峽門橫石水聲多
平沙覓句看雲立極浦迴舟載酒過
見說此溪多釣伴月明來聽扣舷歌

鈴閣秋集

鈴岡高樓足大觀况逢晴日倚欄干
竹林啼鳥關幽

關字好

事石磴松風生晝寒病身自喜逢秋健
攜手聊尋畫

口歡萬事浮生空役役擬從山客借蒲團

登宜春臺

沙清江練繞城迴霜淨花枝拂檻開
山閣晝閒宜對酒病身秋盡始登臺
瀟湘木落聞猿嘯彭蠡雲長見鴈來
郡僻漁樵堪卜隱時危戎馬轉興哀

東溪晴泛

鍾峽出秀浦碧潭無限清日浮江色動
舟蹴浪花輕盤石思垂釣滄浪愛濯纓
沿洄意未極川暝月華明

江臯

巖溜瀟湊雨風松浙瀝濤遠峰晴木暗清夏暑雲高
問節菖蒲近觀農稼穡勞微吟未歸去落日照江臯

郊行

沙路平如掌郊行吟望賒山圍四野碧河抱一村斜

松徑入僧寺草屋見漁家春風幾日到村園桃李花

洞靈觀

玉女已仙去仙丘尚此中龍吟山洞雨鶴舞石壇風

異代流傳久浮生夢覺同還尋煉丹處雲水夕陽空

東堂新成

種樹乘陰闢沼漁數椽聊此卜幽居諸峰稍識嵐霏

外三逕新鋤灌莽餘窮巷頗迴高士轍藜牀時讀古

人書欲因蘿薜辭簪弁慙愧承恩在玉除

無端世路遶羊腸偶以疎慵得自藏種竹旋添馴鶴

逕買山聊起讀書堂開窓古木蕭蕭籟隱几寒花寂

寂香莫笑野人生計少濯纓隨處有滄浪

賜告

春去復秋至愁多與病連屏居臣分淺賜告聖恩偏

闕望長迴首巖棲不記年時聞起桴鼓未暇枕書眠

晨起

枕畔聞啼鳥覺來春思閒行藥過石壁倚檻望雲山

館閣繆通籍林園深閉關殷勤謝知舊頻遣惜朱顏

春日

春日宜春睡夢醒時輾然處身無遠略憂世但長年
池濕青莎雨鶯啼綠樹烟近知理俗事學種南山田

讀易

徑轉頻移柳齋荒自補茅過從無俗客迂僻少深交
先雨鸛鳴垤知風鵲構巢行藏吾已任莫問易中爻

感述

結茅楚水楓林下擁膝長吟任此身一官繫籍逢多
病數口攜家食舊貧谿圃秋深菊容淡石田春暖藥

苗新時危獻納思無術悵望中原傷戰塵

有喜致醉

三十年過方有子却論情事集悲歡語樸處再會愈好總叨先德宜昌

後每為身愁欲廢官琴書他日期堪付堂構茲丘幸
苟完庭中翠竹紅葵色乘醉邀賓秉燭看

春曉歌

雞喞喞鼓逢逢晨暘熹春霧濛攬衣啓戶候晴色山
頭雲興轉深黑花潭柳嶼空復期躡屩攜壺難自得
瓦溝急雨鳴徹宵征人在途泥沒腰忽憶此時京國
侶策馬披氈趁早朝

夜讌歌

琉璃清蕙肴盈錦。鐙瑤席張四楹。華歌妙舞百伎呈。
 夜行遊兮悅明星。奉君王。觴前致誠上天垂。休惠我。
 明黃河之水。今再澄。天雞鳴海鳥。升願君。舉觴且留。
 情樂哉。時乎方太平。
聲響全是古樂府而情緒婉約更感人
揚曰似古白紵歌

乙亥年雪

燕京雪花大如手。寒洳江南未嘗有。近來江南雪亦
 如燕京。前年豫章東。抵鄱湖水路。氓爭傳耳共駭。故
 老創見心猶驚。今年大雪連三日。陌上深踰二三尺。
 葭管春回氣轉寒。柴門暮掃朝仍積。朝飛暮積無已

時四野濃雲一色垂。共道城中愁桂玉。虛從江畔覓
 花枝。陰陽自古皆常度。物候今看却殊故。瞽史何由
 訊咎徵。病夫默坐憂時事。
直欲以野朴之辭相勝感時傷事之體只須如是

霰

野霰朝仍集。山雲凍不收。家貧念藜藿。寒至想衣裘。
 戎馬多征檄。江波有釣舟。短歌成獨醉。聊得坐消憂。

伐園中木

松柏儲棟梁。棗栗充豆籩。樗榆竟何益。歷歷蕃中園。
 葉大苦蒙翳。材枉空攣蹠。能令地脉耗。亦使陽和偏。

呼童礪斤斧爨燎供炊煙去莠植嘉穀斬茅秀蘭荃
栽培與傾覆在理固宜然不材世所棄剪伐何足憐

雨後南池

鳴雨夜不止春波漫綠塘細浪搖孤嶼廣岸映迴墻
乍宜添水檻還能受野航蒲荷紛擢秀槐柳儼成行
虛疑泛瀛島深擬對濠梁臨流興不極日暮歌滄浪

夏日閒居

卜築遠闌市虛堂近高林池塘新雨過夏木綠以陰
初日照前牖咿嚶語鳴禽聽之頗怡悅足慰靜者心

對雨

蒼靄起前壑白雨映中林曲池通爽氣高館足秋陰
把帙引眠思焚香清道心庭邊有老樹蕭瑟伴閒吟

秋夕閒居對雨

一雨洗炎囂高齋坐寂寥繁聲傍竹近寒色映空遙
頗襲圖書潤還霑枕席飄興幽忘盥櫛巷僻謝招要
蘭曉光逾碧荷秋葉互凋未須揮短箠涼意晚蕭蕭

揚曰通
篇淨瑩

郊園

柴扉在深木無人晝不關山圍修竹罅泉鳴亂石間
倚杖翫蒼翠臨風聽潺湲一瓢掛高樹日暮灌花還

孫曰自然道實境非強作者韻度

觀雨作

東峰雨色遠前溪野樹江船望欲迷卷幔忽驚山霧入近村長聽水禽啼清憐松菊長茅屋深愛湍流滿稻畦故人門巷隔車轍多病青尊不可攜

齋中讀書

孫曰堂應俗屬對語
柳逕柴門關向東竹垣高樹引清風林中送客行常遠屋裏看山興不窮唯須藥物供身病且愛閭閻屬歲豐世事浮雲那足問此生拚老蠹魚叢

望鈴山

郭東草堂無俗囂畫屏靜對青岩堯暮燈隔樹影明滅霜鍾吼空聲振搖蓮秀虛疑太華出桂幽實愛小山招為貪鶴背思千里擬接虹梯問九霄

觀馮式寶禹鈞事述詠

還妾當年不計貲一商陰德世難之狀元已報神人送鄰里來談夢兆奇
定數難移豈信然但修人事可回天寶郎夢得先靈告三紀延年五桂傳

月夕黎君見尋

蘭舟遠汎故情懽柳逕相邀月色寒貧居市近能呼

金山堂集 卷二
酒懶性人逢不整冠黃花醉可簪烏帽水檻閒宜弄
釣竿不是同心念幽獨碧山那得共君看

中丞劉公廬洲宴集公子與予姻也

東郭築堂好中丞載酒來盃長燒燭坐門正逐江開
瓊樹欣相倚霜威許見陪還知綠野醉真勝習池回

江館聞雨

江迥風連屋庭喧雨到牀寒聲雜松竹遠勢動瀟湘
暮燕翻應濕林花落盡香問音那有酒春在易相將

楊曰有
風有韻

宿鴈洲

山登極嶺岿野適忽夷曠清澗屢寒涉綠疇彌晚望
水亭荷芰開園屋雲松傍應憐鴈洲宿絕勝剡溪訪

登高值雨留山舍

未遂觀音願來過靜者居涉溪雲逐馬下榻雨鳴除
公子攜松醞鄉人饋鯉魚山寒春漏永莫遣綠尊虛

集劉大別業

別業春山裏松筠開翠微文觴坐群客此會昔應稀
澗雨桐花濕樓晴燕子飛主情殊未已乘醉出荆扉

喜友人至

下馬柴門日已曛燈前悲喜話同群空江歲晚無來

客遠道情深獨見君瓦甕細傾山郭酒藜牀閒臥石
堂雲莫言古調祇自愛且誦新篇慰我聞

中秋陳大參分司同楊太僕宴

涼夕逢秋半仙盃坐漏長未須延桂魄卿月在薇堂

孫曰潤麗
有此者

秋夕東堂同傅館長兄宿

紙窓銀燭雨聲前草屋寒栖共老仙不覺對牀中夜
語青綾仍似玉堂年

鈴閣同劉子集咏

樹引肩輿入山當對酒吟泉流一壑響雲度數峰陰

塵境絕逢君坐語深誰言簪紱者同有薜蘿心

應和見尋

遲松桂林之子能相尋遠道驚長別幽期感素心

楚臺臨月迴章水渡烟深何物酬佳興風颺彈玉琴

將赴京作

七看梅發楚江濱多難空餘一病身闕下簡書催物
役鏡中癯貌愧冠紳非才豈合仍求仕薄祿深悲不

逮親此日滄波理征棹回瞻松栢自沾巾

孫曰感
槍曲折

將赴京登郡城春臺作

浮生奔走徧塵埃重對鄉山病眼開北望幾回仍赴

金山堂集 卷二 詩
三
闕南還今日始登臺
素江晴抱星辰下
燕鴈寒衝霧
雨來攀磴俯林堪
極目抽毫作賦歎
非才

登春臺貽錢別駕

府公地主催科劇
高閣看山引興來
三峽波濤深送
酒萬峯嵐翠迥
登臺黃花似與秋
期約塵世難逢笑
口開遺德古來韓
廟在爲尋荒碣斷
蒼苔

對雪贈客

江南素無此大雪
一夜覆地忽三尺
平明走覓江上
村不辨東阡與西
陌眼看世界入混
茫蔽野垂天同
一色訪舊虛迴剡
曲舟閉門正臥袁
安宅山中古樹

已開梅甕裏新醪
未潑醅祇應吟倚
湖邊棹何用歌
斟帳下盃

答符子

新題十幅寄鈴岡
白鴈西飛雲路長
因憶對牀孤燭
夜一簾松月照山
堂

鈴山堂集卷第二

鈴山堂集卷第二目錄

詩

仰山酬贈韓劉二子

贈西泉子

酬別劉梅國兄

夏日江亭贈客

奉答符少叅先生具賀生男之什

奉酬空同先生垂訪見語

鈴閣贈傅侍御兄

答友人

次韻田水南兄見訪

贈陳大叅

鶴泉堂贈別

送曹侍御歸朝歌

酬別張侍御

送顧使君華玉赴全州

贈相命顏生

別友人

雪後鈴山寄友

寄陸太史

酬鴈洲見寄

寄謝子

思友人

江行寄朝望

早春郊園寄友

劉子及有登遊衡嶽之興書來訊予亦行答贈

林丘者劉子書屋名也

鈴閣登詠

黎侍御新亭

吳偉畫

山水畫

張氏林亭

觀王陽明書石刻

廬陵謁忠節祠

入白芒朱陂

苦竹山

板陂鋪

野泊

宿山寺

昌峽

下浦

夜宿報恩寺

水南寺諸君子餞予京行即席賦

暮到防里

楊樹嶺

早發鴈洲途中作

促縮

宿大櫟同年陳玉夫宅玉夫時往江東

至廬陵

夕次藤橋還寄城中同好

金山堂集 卷三 三
過周文襄公墓下

過劉子燿墓

船發信州新兩江漲還寄曹使君

嚴陵祠

魏塘獨宿寄陶員外良伯

夜行吳江

如松江訪陸太史先申寄贈

棠溪宴集贈侯使君

丁使君泛舟宴餞

松江龍華寺留別

金山

揚州別舍弟

晚次寶應湖阻雨憶舍弟

清河阻風

鈴山堂集卷第三

詩前蒙

鷺沙孫偉

升菴楊慎評點

仰山酬贈韓劉二子

迢遞窮山裏君能枉見尋松門駐雙騎蘿逕鳴孤琴
衣上雲嵐色林中經梵音應悲市朝客誰到白雲深

贈西泉子

到君衡門下修竹兩三竿高已遠人俗貧能慰母懽
邀予進草飯夕語坐蒲團真與時相棄泉巾獨自冠

金山堂集 卷三
酬別劉梅國元

故人千里別何意到空林觀榜曾隨驥遺詩比贈金
青天尋蜀道夜雪度山陰明發巴陵渚烟波愁我心
夏日江亭贈客

江喧過雨時綠樹搖南颺歸客乘流下扁舟向我辭
臺臨春望迴山繞旅行遲無限蘼蕪草因君寄所思

孫曰風韻
逼古調

奉答符少叅先生見賀生男之什

今日啓茅宇把酒對花枝門見弧懸日堂開履滿時
主人洗愁病野客同襟期家事區區爾能勞長者知

二

剝啄驚敲戶緘題重越疆將雛新曲妙遺鯉故情長
兒子嗤豚犬瓊瑤借寵光夜闌還擊節轉益病夫狂
奉酬空同先生垂訪見貽

病來渾與故人踈珍重能勞長者車地僻柴門堪繫
馬家貧蕉葉可供書鶯花對酒三春暮風雅聞音百
代餘長願飲河心自足却慚和郢曲難如

鈴閣贈傅侍御兄

素琴遠抱存餘情草閣孤峯眼共明黃菊幾逢詞客
病綠尊今對故人清留君小作山中宿念我虛題榜

下名信有膏盲在泉石十年從宦竟無成

文緣情生自好

山遊處處見山情極目秋空萬里明石磴屢緣心未
倦松亭小坐思尤清林中久負幽人約壁上新題過
客名自是登高能賦手看君四韻已俱成

答友人

一官廁朝籍出入承明墀十年卧林巷恍若與時違
當時同升侶往往列金緋吾豈薄榮利貧病恒相羈
清晨閱明鏡了了見鬢眉自非食肉相藏拙安所宜

次韻田水南兄見訪

諸公天上多臺省此客江邊祗草堂騎馬看花空非

夢把書牽犢笑年光興高肯復維孤舫身病仍瀕累
十觴麋鹿故應耽野性鳳麟端合瑞文章

謂田也

贈陳大參

江頭畫舫繫殘年江上梅花明遠天園林客到已搖
落溪谷鳥飛多變遷山村日落豺虎亂郵渚雲深鴻
鴈偏寄謝紫薇賢獄伯折衝千里在尊前

鶴泉堂贈別

朝出兮江滸送子兮延佇山泠泠兮多風霧冥冥兮
霏雨野闐寂兮無人子獨歸兮何所庭有鶴兮壑有
泉我欲與子兮期周旋目踟躕兮耳潺湲嘯傲于此

金山堂集 卷三
忘其年子不來方心煩冤

着語婉盡神情黯然

送曹侍御歸朝歌

豫章城頭班馬鳴六師夜洗章江兵江亭走餞盛冠
蓋繡衣御史趨承明奉使三年勞遍歷臨戎六月詔
專征露剡才聞馳捷奏天書過及荷褒榮高堂老人
今白首門倚秋風知望久靈鵲朝喧舍北林青驄晚
繫籬前柳橐中金幣帝所錫起舞稱觴為親壽親壽
君恩日共新南山北闕慶千春願將忠孝酬今代早
見功名勝古人

酬別張侍御

春風曾駐木蘭舟使節直看萬里遊攬轡霜威清瘴
海停盃詩興滿滄洲天寒江縣城空閉秋旱山田穀
未收多病有懷談莫盡送君分首重淹留

送顧使君華玉赴全州

吳客孤帆楚水涯碧雲千里度長沙湘山獨夜看明
月莫聽猿聲易憶家

贈相命顏生

掃榻雲林白晝眠行藏於我固悠然元無蔡澤輕肥
念不向唐生更問年

別友人

此夜孤燈共草堂明朝雙屐度瀟湘亦知心跡無南北未道相違是兩鄉

雪後鈴山寄友

江上日日吹北風茅屋擁被卧如弓楚鄉物色是燕北晴雪樓臺似畫中病骨總緣詩思瘦屏居長與歲年窮毳裘貂帽憶京國珮馬朝天過死東

寄陸太史

客舍燕臺對雪眠別來心跡兩茫然青山有地淹貧病白日無情換歲年駑馬極知難附驥玉堂真嘆遠瞻天新詩海內流傳遍憑寄楓林水石邊

酬鴈洲見寄

南山有松松有蘿昔日結交今謂何但使同吟白雲嶠何須獨上金鑾坡

何處雲山足歸暮雲相望兩依依憑君慰我尺素寄日日江樓有鴈飛

北風吹雪滿汀洲欲折梅花不自由無限離情渺難寄題詩更上一層樓

孫曰寄思不等閑韻調自別三詩盡得唐人三昧而機杼則自出也

寄謝子

謝公江海士鎩羽在空林高卧不出戶閒堂春草深

積霖注南國馳波渺夕陰相望一水隔方舟不可尋

揚曰似孟襄陽

思友人

衡嶽無來鴈江潭有蟄龍愁邊波浪濶夢覺雲山重
定識相逢語未知同病容因思遺遠道何處採芙蓉

孫曰出入騷選玄之又玄者

江行寄朝望

挂席愛滄茫江天足晚涼望移城塔遠歌入浦雲長

起鶴橫烟嶼飛鷗趁野航勞君致美酒蓬裏自銜觴

楊曰昔人謂好詩如彈丸此八句近之傳世何必在多

早春郊園寄友

東郊柳色遠依依忽憶佳人候竹扉剡曲雪深回夜

棹杜陵花發典春衣閒思步屨尋芳草醉愛携壺上

翠微不是賞心緣節物頻年離索故交稀

劉子久有登遊衡嶽之興書來訊予京行答贈

林丘者劉子書屋名也

端居心賞若為酬瘦馬螺川感昔遊芒屨可能窺嶽

麓青黎元自照林丘鳴聲每聽春山鳥清興空回雪

夜舟若與故人論出處閒身仍被白雲留

鈴閣登詠

石堂巖逕薜蘿封鐘磬遙聞最上峯雲淨芙蓉列遠
岫天晴風雨起長松真仙定擬過笙鳳樵客何因識
洞龍高閣我來忘幾度每來拄笏坐從容

黎侍御新亭

曲逕看花入幽亭載酒開興高忘主客地勝有池臺
暍暖樹帷合逶迤江練來已方元亮隱松菊遶園栽

二

城居厭煩燠來此灑塵紛江月夜深到野禽松上聞
逕幽憐草色谷密想蘭薰百里滄波棹佳期一訪君

吳偉畫

郭熙之死誰復同湖湘小仙今代雄慣將健筆寫纏
素江山平遠稱尤工洞庭瀟湘渺何許積水長天迷
處所沙邊老樹總呼風波上輕雲初散雨短棹扁舟
競往還垂綸者翁意愈開晴牕展玩心眼亂興在滄
洲千里間

山水畫

長松拂雲生畫寒沙上草閣俯江滄幽人竟日少塵
事白鳥青天到倚闌

張氏林亭

十載重來笑語親水亭山閣幾增新輞川自卜王維

金山谷集 卷之三
宅錦里誰分杜老隣
歲課園丁收芋栗
日招溪叟坐
松筠却笑阮郎知
此路碧桃花裏重迷津

觀王陽明書石刻

作宰廬陵縣陽明稱古風
起廢葺宮宇節用恤瘵恫
刻辭詔後來皮石當庭中
已嘆仁言博兼憐書蹟工
來遊非在日懷覽意何窮

廬陵謁忠節祠

兩間王氣此諸公
萬古香名祀一宮
人代綱常元未墜
侯邦章典故應崇
冠裳列宿輝光動
朝世滄桑運劫空
二百里來瞻廟貌
不堪庭木起秋風

歐陽文忠修周文忠必大胡忠簡翁楊忠襄萬
里楊文節邦乂文忠烈天祥李忠文時勉劉忠
愍球

入白芒朱陂

岸岸溪流急山山篁竹多
盤迴遵石徑迤邐度松坡
深嶺皆宜木高田亦種禾
喚鳩梅雨暗飛燕麥天和
池卜晴蛙語村防夜虎過
稍看民樂土還苦吏催科
世事關愉戚生涯學醉歌
清溪足魴鯉吾欲買漁蓑

苦竹山

苦竹山高書景遲
木陰蔥蒨動南颺
草間鳴雉忽飛

起傲兀籃輿度嶺時

板陂鋪

到處雲山是舊逢
幾家茅屋數株松
郵亭下馬午時
飯隴上輟耕談老農

野泊

野外蕭條燈火稀
空江孤艇暫相依
年荒觸目俱堪
駭隔岸燎原驅虎歸

宿山寺

野寺入林辟江城
擊柝重艱虞逢世
事愁寂任浮踪
煩暑蚊喧壁微明
馬度松踟躕獨不寐
兀坐聽樓鐘

昌峽

霽曉渡昌峽
蒼山烟霧開
中流萬石闔
隔水一舟來
祠古還依嶂
林幽忽放梅
故鄉知信美
臨眺轉徘徊

下浦

古市江船集
平橋野店開
沙中辨遠樹
雲裏望層臺
茲郡饒竒勝
吾生歎去來
明興陟丹壑
秋日淨浮埃

夜宿報恩寺

落日解裝投上方
還尋老衲借繩牀
春寒自酌山城
酒夜靜猶聞竹院香
危坐萬緣心境淨
不眠孤枕漏聲長
因搜短句了清景
人事詰朝酬應忙

金山堂集 卷三
水南寺諸君子餞予京行即席賦
莎岸松門溪寺幽日高烟霧隱林丘城居出郭應難
數旅適逢春可自由青嶂白雲晴入座落英飛絮遠
隨舟誰能去國忘羈思謾引離尊惜勸酬

墓到防里

林飈生暮寒溪石渡清湍烟火高門近風霜古木殘
升堂列酒饌叙舊集悲歡愛此銀燈爛離顏惜共看

楊樹嶺

楊嶺際曉來肩輿度深寂崖高日色薄篁葦風淅淅
清沙涉幽澗攀確緣絕壁環顧間無人山禽自鳴

新泥松樹下往往見虎跡行侶時噉呼銅鉦鳴未息
緬予鴻雪踪夷險備所歷翻慚一身安坐惜衆夫力

早發鴈洲途中作

螺川竭遊訪鴈洲復躊躇夜投林下宿曉發霜中車
回道過谷口青楓寒正踈哀鴻噉廣澤猛虎臨路衢
所歷多險艱棕抱未可舒寄言同心侶何用獨離居

促縮

促縮復促縮暮投主人宿荒垣對空池落葉響敗屋
拈盃當炊糜爇薪代秉燭如聞旁舍言野寇或宵伏
世慮嬰我懷默坐候天旭

楊曰寫出旅况質而不俚

宿大櫟同年陳玉夫宅玉夫時往江東

故人何所之門館閉芳池解名登共歲多病別經時

獨買金陵棹遙憐瓊樹枝山牕今夜月空照客相思

至廬陵訪劉子也

起句音青螺白鷺入我夢河上松間騎馬來問俗初經永叔

里吟詩真憶長卿才衣冠古郡高風在車馬寒城短

日催今夜故人桑落酒不知懷抱若為開

夕次藤橋還寄城中同好

惜別忘前路暝色過藤橋問向誰家宿村燈隔水遙

弊裘風正急客思酒初消謾聽空堂雨對牀非昨宵

楊回漸近自然

過周文襄公墓下

尚書舊里說山前松栢陰陰有墓田何止鄉邦崇盛

烈吳人碑碣更林然山前周氏里居吳中諸郡皆有文襄祠

南圻治賦閱星霜功在朝廷未可忘中秘儲才得公

等貽謀端合拜文皇文廟選進士二十八人入閣讀書公乞與乃增為二十九人

過劉子燠墓

欲贈徐君劍挂向隴頭枝隴水自東逝我悲君不知

船發信州新雨江漲還寄曹使君

乘溜放船去空江迷霧雲岸回青草色波動白鷗群

金山堂集 卷三
郡早初聞雨途窮忽見君應知三日禱天爲答憂勤

二

已失玉溪雨還望靈山雲川陽夕明滅巖樹春氛氲
狎藻鳧相屬摩霄鶴不群鼓枻已宵逝攬袂轉思君

嚴陵祠

嚴陵七里灘疊嶂俯澄灣雲物澹堪賞風標邈未攀
龍飛初白水魚釣但春山千歲見孤廟蒼蒼烟霧間

魏塘獨宿寄陶員外良伯

泊舟魏塘渚蕭蕭菰葉風剪燭紅蘂亂浮杯綠螳空
暝吟依雪鷺遐想接烟鴻還將此時興書寄海雪東

夜行吳江

官船新穩官河平籠燭牽桅中夜行菰蒲野水不知
處明發說到闔閭城

如松江訪陸太史先申寄贈

菰岸雨聲急松門烟浪深沿洄趣易愜懷望思難任
雲物中夏賞湖天孤嶼吟曖曖沙中樹悠悠波上禽

臨溪聽黃鳥拂石理瑤琴總多山水興兼慰別離心

崇溪宴集贈使君

佳遊歷松郡雅集過崇溪碧篠臨池淨垂藤入徑迷
林香花代發庭曙鳥先啼畫省班嘗接滄洲影獨栖

金山堂集 卷二
行春人吏愜聽雨客懷悽野沃饒秔稻時平撤鼓鼙
文叨下客會尊喜使君携稍學泉上釣言留竹下題
興幽忘去棹烟景在林西

丁使君泛舟宴餞

異鄉逢子得同遊祖帳邀賓設餞留錦席移尊遙出
浦綠陰牽舸漫隨流殘花悵望迷幽嶼淥水逶迤接
遠洲爲約別時須酌酹前程莫遣有離憂

松江龍華寺留別

野寺行送客東津潮滿時傍花吟駐棹掃石坐傳卮
細雨晨鐘濕輕雲午閣移欲別還留語重來未有期

二

石橋僧院古松門人跡稀樹涼風浙瀝江暝雨霏微
夏木欣聞鳥春山憶采薇應愧京遊者緇塵滿素衣

金山

寺擁金山古江流碧海深千年此形勝詞客幾登臨
波浪浮香閣魚龍聽梵音晨風渡舟楫真有濟川心

揚州別舍弟

作伴來吳越那堪此地分還同廣陵月獨向楚山雲
客路頻加飯文場早策勲要寬千里念時遣尺書聞
晚次寶應湖阻雨憶舍弟

廣陵舟裏連衾枕寶應湖邊隔雨風人世百年誰骨
肉天涯此路復西東中宵憶爾心俱折逆旅無人信
莫通身跡半生成底事祇餘泥雪歎飛鴻

清河阻風

淮浦清河三日住北風高浪可憐生魚龍遠水深疑
鬪星斗中天迥覺明永夜鄉山頻入夢誰家船笛更
飛聲微名顧我堪慚歎六月携家萬里行

鈴山堂集卷第三

